

विधम हविषा वयं । विश्वा आशामधुना संसृजामि ।
 अनमी वा आप ओषधयो भवन्तु । अयं यजमानो मृधो-
 व्यस्यतां ॥ अगृभीताः पशवः सन्तु सर्वे । अग्निः सोमो व-
 रुणो मित्र इन्द्रः । बृहस्पतिः सविता यः सहस्री । पूषा नो
 गोभिरेव सारस्वती । त्वष्टा रूपाणि समनक्तु यज्ञैः ।
 त्वष्टा रूपाणि दधती सरस्वती । पूषा भगः सविता
 नो ददातु । बृहस्पतिर्ददतिन्द्रः सहस्रं । मित्रो दाता
 वरुणः सोमो अग्निः ॥ ३ ॥

करन्निविष्टमस्यतान्नव च ॥ अनु० ३ ॥

चतुर्थोऽनुवाकः ।

आ नो भर भगमिन्द्र द्युमन्तं । नि ते देष्णस्य धीमहि
 प्ररेके । उर्व्व इव पप्रथे कामो अस्मे । तमापृणा वसुपते
 वसूनां । इमं कामं मन्दया गोभिरश्वैः । चन्द्रवताराध-
 सा पप्रथश्च । सुवर््य्य वो मतिभिः स्तुभ्यं विप्राः । इन्द्राय
 वाहः कुशिकासो अक्रन् । इन्द्रस्य नु वीर्याणि प्रवोचं ।
 यानि चकार प्रथमानि वज्री ॥ १ ॥

अहन्नहिमन्वयस्ततर्द । प्रवक्षणा अभिनत् पर्व्व-
 तानां । अहन्नहिं पर्व्वते शिश्रियाणं । त्वष्टास्मै वज्रं